

2105 Y587

行叢冬未辛年四治明




增訂

慶弘紀聞

附今日

鈔



338330

其親搜藏板

十三朝紀聞七卷從六位下行兵
庫察史生兼和泉掾源朝臣之所
編次也十三朝從

後水尾帝朝記

今上皇帝朝紀二百廿餘年事也
史蓋古來難其人則所以重其史
也夫史所重在體裁以史即一代

月台所刊十三朝紀聞

其見集後

天下國家體裁也。是其所以重而難也。雖有古者叙體名筆而後之。文人不必循其軌躅。各聘其筆力。無有一定格體。有其大體而無有定體。是以各得騁其筆力。則其人。之向背取舍。崇奉嫌忌之異同。不能不有正不正。是所以難其人也。

然史既不可欠。若史而不史。則與無史同。一朝無史而可守哉。然則是不得已而已焉者。

本朝中古以來。史官之設廢。蓋以難其人乎。然豪士橫議僭偽之言。從生。則其害國家體裁不為少。可不慎哉。斯編綜尊乎一朝。從前橫

議不拒而自燔。所謂橫議者。如東
遷基業三王外記之類是也。斯編
首而舉祭祀典禮受禪詔勅合命
必儼皇子皇孫后妃嬪媛胤嗣聯
續必慎。公卿輔弼叙爵補任進退
黜陟必燦乎。其衣冠宗支本末派
別。其系譜出入盛衰榮枯必審。古

史之通例也。固尔。而其天象地理
蓄祥瑞應妖彥札差。下及衆庶崩
隸苟有學術者。其志尚標行隱顯
進心籍貫必詳悉。弗遺。其復讎鬪
爭之私事。及海隅荒陬之野語。弗
泄。是亦不獎而進。不厲而勉之也。
而並不着一論一贊。委覽者品騭。

俾人間所不得不聽。知所不可不知。知一代天下國家體裁。令人歎服厭飫。而朝廊之言儼乎。卿相月雲之語燦乎。里巷之談委曲而不俚。若夫溫室之樹木。天之天。外人不能窺。而君之得伺也宜矣。若夫荒陬遐服。而不得親涉。歷者非於

諸家之筆乘。踐履廣搜。密撫遍涉。獵非精力過絕人。烏得出諸一隻腕下。芑素草莽之藁品。才識謗陋。而平昔好尚。策在茲。君忝知之。去歲辛酉之冬。携新著披蒿菜。合得拜觀。芑不勝忻忻之至。宜適布鄙衷。還驛奉謝。而茲壬戌之春。初偶

罹風疾。大患精神昏耄。不能援毫。成語藥餌自將。涉夏及秋。不覺霜露凄其。將冬。屢、勉、敢、蹶、起、拂塵。研洒膏毫。雖終日不能成章。其罪亦不可不拜謝。八十五。黃名苞。恐惶敬書。

文久壬戌秋後八月望



十三朝紀聞卷之一

從在下方蓋東之筆筆聚源朝皇德

正七位下長門源 賴矩校

後水尾天皇諱政仁 後陽成帝第三子也母女御諱前子跡 中和門院准三宮藤原前久之女 上以慶長元年六月四日生 五年十二月二十一日為親王 是歲德川內大臣誅石田三成等諸兇 天下歸之 六年夏德川內大臣增供御之田及公卿采邑 八年二月德川內大臣為征夷大將軍 進右大臣 補源氏長者 尋辭 右大臣 十年四月德川前右大臣辭 征

338396

夷大將軍其第三子權大納言代之遷內大臣賜隨身兵仗 天使就二條城拜之明年辭大臣十一年春前大將軍課天下大名修 皇宮十二年豐臣秀賴辭右大臣權大納言藤原幸家代之十三年十二月右大臣幸家為關白補藤氏長者十五年三月後陽成帝遣使駿府宣讓位於 上之旨十六年三月前大將軍自駿府入朝賀內禪二十七日 上受禪時年十六仍用慶長號關白右大臣幸家內大臣藤原信尚並如故時左大臣關白慶長十六年四月三日遣正五位下王兼任祭主大中臣種忠左兵衛

公德

位部
大廟

佐卜部兼治小舍人齋部親當奉幣于伊勢 大廟告嗣位古來王氏已下例奉告嗣遷宮等使世謂之四姓使後有故關卜部一員改為三使七日尊 後陽成帝曰太上天皇十二日行 即位之禮前大將軍入朝獻御劔一口御馬直銀千兩獻 上皇御劔一口御馬直銀五百兩進 國母銀五百兩以賀之觀大禮儀既歸駿府○五月前大將軍命諸藩修太土皇宮多置供御之田又檢御府所亡失秘書寶器流傳幕府者悉獻之○六月大將軍改築 禁內之垣肥後守熊本藤原清正卒年五十○七月前左

大臣一條藤原內基薨年六十四無嗣 上皇第九子兼遐降繼之冒藤原姓○八月先是我商船至阿媽港者三百人為夷民所誘殺其後港商二百人至長崎幕府命奉行等擊斃之至是其首東曾訥來謝大將軍延見之許互市○九月初京師商人莊助告幕府曰海東八九千里有國曰濃昆須般多產金銀願一往試之至是莊助還自其國獻五色羅紗蒲桃酒等于幕府紅夷耶敷子上變幕府曰倡邪蘇教者皆覬覦非望幕府乃逐倡之蠻人余南禪寺金地院主崇傳諭我民奉其教者改歸佛教陸奧出羽地陷

潮溢死者八千人○十月前大將軍使狩野畫大內及諸國大祠於駿府第障式部少輔清原秀賢訂之○十一月二十五日遣權大納言藤原經賴等祭春日祠兩大將軍獵于上野訪得新田義重義貞故趾建一寺于新田金山下名大光院是春 後陽成帝欲拜前大將軍太政大臣賜以菊桐章前大將軍辭之請錄其祖先於是贈大炊助義重鎮守府將軍參河守廣忠大納言至是乃奉安其詔書于此寺至嘉永元年十月又贈大納言太政大臣正一位是歲京師豪商角倉貞順請幕府開京師高瀨川達于伏見

關高瀨川

其功成也首漕大内木石云卧亞使來獻幕府當是時明商及諸蕃乞互市者甚衆前大將軍乃命長崎奉行藤廣贈書於明福建總督陳子貞求勘合印不獻而其商舶益入於是前大將軍長崎為互市場禁泊他津○十七年二月七日遣權大納言經賴等祭春日祠春冬二祀為恒例故後不復記○三月十三日以關白右大臣幸家為左大臣職如故十八日以內大臣信尚為右大臣初肥前原大名有馬晴信修邪蘇教至是事覺幕府奏放之甲斐尋賜死○四月二十四日雨雹二十六日以權大納言左近衛大將

龍山公

藤原信尋為内大臣○五月從一位准后近衛藤原前久薨年七十七子信尹嗣前久初名晴嗣昔為上杉輝虎所奉如越後歸京更名前嗣又之薩摩數歲歸京改今名雅髮跡龍山能書工和歌○六月奈良大風春日祠樹折者千株祠人驚異奏聞帝遣使駿府咨之前大將軍對曰是亡何也世亂而祠久就頽圯今神以此木助管作也尋奉勅修造此祠更考典故以每二十歲新之為永式以准伊勢大廟○七月左大臣幸家辭關白藤氏長者二十五日以右大臣信尚為關白補藤氏長者聽内覽賜隨身兵仗牛車是月暹邏商人詣駿府獻緞子羅紗鮫皮等○

九月明商鄭芝龍歸化，詣駿府獻藥物，同商祖官亦詣前。大將軍見二人，問西土雜事。○十一月，勅作春日祠，幕府流福井，宰今村掃部，以其誣同僚伊豆周防也。○十二月二十六日，以皇弟好仁為親王，王上皇第七子，號高松殿，又號花町殿，後任彈正弼，是為高松殿祖。大將軍修皇宮，上皇宮明年正月前，大將軍命三十七藩助役，是歲大將軍聘儒士林信澄，信澄受業於藤原肅，自號東舟，削髮稱永喜博洽，群書羅網百氏，與兄信勝齊名。寬永中，歿阿媽港及新伊西把，你亞使來獻幕府。○十八年二月

上皇第四子信尋降，為近衛藤原信尹嗣子，石見守大久保長安有罪，會病狂死，幕府檢其家有係蠻教書，因誅其七子，松本、石川、康長及其二弟連坐，皆奪邑。○四月前，右大臣豐臣秀賴鑄東山方廣寺巨鐘，高一丈四尺，重十萬六千二百五十斤。○六月前，大將軍作公家式，其第一條曰：公卿宜日夜學問，勿懈焉。○十月，幕府奏徙古河、小笠原、秀政于松本，宇和嶋、富田、知信、宮崎、高橋、元種皆有罪，亦是冬奏，收其封，以雅樂頭酒井忠世、大炊頭土井利勝相摸守，大久保忠隣、佐渡守本多正信對馬守安藤重信為江

戶老中上野介本多正純隼人正成瀨正成帶刀安藤直次為駿府老中○十二月 大内成殿門壯麗改觀十九日 帝徙御甚嘉其恭焉 仙洞宮成上皇徙居焉此院在 禁内東南櫻町世稱櫻町宮今 仙洞宮是也大久保忠隣奉教入京師捕關西邪蘇徒是歲漢又刺並使來獻幕府○十九年正月十四日以關白右大臣信尚為左大臣叙從一位内大臣信尋為右大臣權大納言藤原實益為内大臣幕府奏收小田原大久保忠隣封放之于彦根課北陸等諸藩移少將忠輝福嶋城于高田忠輝大將軍

大坂城開烟起

弟也○二月四日彗星見東方五日大坂天主閣烟起衝天○三月高槻高山友祥鳥羽浦内藤如安並修蠻教發覺幕府奏收其封九日以前内大臣大將軍源秀忠為右大臣叙從一位遣傳奏權大納言藤原兼勝權大納言藤原實條就江戶拜之高山友祥内藤如安等已下京師獄於是前大將軍遣吏山口與所司代板倉勝重議放友祥以下男女百餘人于阿媽港流餘津輕前大將軍會諳練典故者大修朝廷舊章獻納之此書據國史延喜式及貞觀政要群書治要等雜取秘庫及故家書圖以成云○四月

五日駿府漁人獲大魚狗首龜甲巨鱗斑腹尾作三股二十人舉之六日雨霰寒如冬二十一日天使兼勝實條歸途過駿府諭內旨拜前大將軍太政大臣固辭又諭納孫女和子為中宮乃奉之初豐臣秀賴再造方廣寺以庚戌歲九月興功至是九五歲而成堂高二十五間南北四十五間東西二十七間內安金銅釋迦坐像高六丈數尺樓門南北十五間東西七間內置金剛神南門方七間四廊周回四百六間○五月上皇命出御府延喜式貸前大將軍○六月林信勝請前大將軍曰設學校于京師以藤

寺方廣氏豐臣

原肅為祭酒具舍置田以教育四方民前大將軍嘉之命相地尋以大坂役興事竟寢是月畿内大水鴨川溢漂沒民舍○八月六日東國大風破屋二十八日畿内及東國大水江戸大風破廬舍時權中納言藤原為滿權中納言藤原雅庸前大納言藤原入道唯心等應駿府之招東游焉前大將軍一日觀之以尊圓親王道風佐理行成書定家新勅撰道遙院稱名院伊勢物語源氏物語系圖弘法大師般若心經等諸真蹟為滿以下及僧崇傳驚墨寶之夥○九月紅夷詣駿府獻方物及生虎二頭安房大名里見忠

起大坂

義獲罪禡封忠義祖父義尚廢其主奪國世有之至是竟亡○十月前右大臣秀賴起兵叛幕府前大將軍命天下大名攻之自以旗本五百餘騎西上二十三日入二條城二十四日帝遣權大納言兼勝實條勞之前大將軍命林信勝僧崇傳索公卿庶司家典籍佛寺藏書使五山僧徒五十人於金地院騰寫之至明年二月畢功為三本獻納其一藏于東府○十一月九日前大將軍遣僧天海詣院奏請假日本後記類聚國史弘仁格式貞觀格式類聚三代格等諸書時以兵革久之後御府書籍多亡殘而

上皇欲傳其存者出神皇系圖古語拾遺名法要集及類聚國史二卷類聚三代格六卷年代記自聖武至後一條者十六卷授之尋出令集解十日大將軍自江戸至伏見十二日詣二條城十七日前大將軍陣住吉大將軍陣平野諸大名會焉總兵五十萬圍大坂城蜂須賀上杉佐竹石川等進攻拔數寨前關白近衛藤原信尹薨年五十皇弟信尋嗣信尹善書晚益奇縱又能畫有歌名二十九日遣權大納言兼勝實條于攝津勞兩大將軍○十二月前大將軍使金工光次入城議和藤堂井伊前田等兵進攻

玉造城將真田幸村善拒東兵死者多先是東軍壅
 淀河于長柄大和川于鳥飼至是大坂湟涸城中大
 驚大野治長勸秀賴請和不果十七日遣權大納言
 兼勝實條詔前大將軍曰卿欲與秀賴和將詔秀
 賴成之前大將軍固辭既而遣淀君妹尼常光入城
 勸和初淀君上天主閣以望東軍遠近無際旌旗翻
 翻大驚下而泣諭秀賴曰東軍億萬我焉久支之和
 而若之高野保命足矣須急求和會常光來傳教曰
 聽和安堵如故而使東軍毀填外城池以表和親之
 實十九日和成互取誓書東軍晝夜填壘斷壘至明

春而畢二十四日前大將軍還京師信勝等上金地
 所寫舊事記古事記釋日本紀文德實錄三代實錄
 類聚三代格管家文集江家次第内裏式山槐記西
 宮記明月記續文粹諸書二十八日前大將軍入朝
 上皇 天皇慰勞懇至前大將軍見關白信尚曰
 願按祕籍以復朝廷舊儀未修舉者二十九日遣權
 大納言兼勝實條命正准后親王之位階復元日白
 馬踏歌節會等七事先是此諸節會或行或廢蓋其
 儀未如舊式也是月幕府奏封陸奥守藤原政宗子
 秀宗于宇和島是歲幕府令民間每户置佛室収寺

引○元和元年正月前大將軍東十八日 上皇降
秘書五十八卷于金地院騰之 大將軍還伏見遂入
二條城 二十七日入朝明日東○二月兩大將軍各
歸本營○三月前右大臣秀賴再舉兵反幕府○四
月前大將軍西上十八日入京師二十一日大將軍
至伏見○五月五日兩大將軍率大軍抵河內六日
與大坂兵會戰大破之伊達水野井伊等兵獲後藤
基次薄田兼相木村重成走真田幸村長曾我部盛
親其明東軍逼大坂城兵盡銳出拒其前軍將真田
幸村陣茶臼山大野治房等陣岡山東軍前鋒近衛

豐臣
氏七

少將源忠直與弟忠昌俱奮進擊破幸村軍其兵斬
幸村既而東西軍大戰坂兵終大敗東軍追亡斬首
一萬五千忠直先登縱火焚樓櫓烟燄衝天諸軍破
門而入秀賴避火觀月樓其母淀君夫人德川氏從
焉大野治長請曰使君夫人出城幸為君公母子地
乃使侍女送歸之秀賴遂入園倉八日前大將軍遣
人求倉中人名欲出秀賴母子而井伊直孝等私發
銃倉中以示絕淀君秀賴皆自殺道喜治長守父
子勝永兄弟永應大助等二十四人婦女十餘人殉
之前大將軍歸京師九日大將軍凱旋伏見十五日

前大將軍入朝獻白金千兩二十二日大將軍來二條城東市正片桐且元赴駿府途病卒○六月幕府奏封下總守與平忠明于大坂令天下禁烟草後免之○閏月二十一日大將軍率諸大名入朝獻白金萬兩二十二日前大將軍獻本朝文粹十四冊初此書多缺前大將軍慨之令信勝訪募遺本補校之至是竣功云兩大將軍與諸公卿大名偕觀樂于二條城有萬歲延喜還城蘭陵王貴德拍鉞拔頭諸舞曲○七月前大將軍饗諸公卿大名于二條城設散樂七日左大臣信尚辭關白十三日詔改元曰元和

元和

十九日大將軍發伏見還江戶二十八日以准三宮藤原昭實復辟關白內覽如故初前大將軍與藤原昭實僧崇傳等斟酌舊制作朝憲十八條名元和令於是與大將軍及昭實連署進奏之制可其略曰天子宜專學問明古道誦習寬平遺誠不廢和歌之舊俗現任三公宜除儲君外班親王之上相門無器量勿進攝政關白三公公卿繼嗣宜取同姓武家官位宜為公家員外朝衣班色四位以上緇五位緋六位深綠七位淺綠八位濃縹初位淡縹諸臣任官宜奏其家例而其究經學有賢才長和歌精典故累

功勞者特拜右大臣為規模而勿棄措螢雪者堂上
 堂下諸官背關白傳奏及主事之令者宜處流罪諸
 僧官宜襲例授卓拔紫衣及上人宜選持戒碩學未
 積薦功妄請之者宜處流罪前大將軍又嘗定武門
 式十三條亦是月領之諸大名幕府奏封前內大臣
 平入道常真于宇陀郡常真本名信雄贈太政大臣
 信長之子也○八月前大將軍自京師歸駿府海北
 友松歿松近江人學畫於狩野永德山水人物花禽
 艸獸皆臻佳妙其子女雪亦能畫○二年正月前大
 將軍獵駿河田中得疾還府二月大將軍自江戶至

封織田氏

東照公病間群書治要

駿府前大將軍病間命校群書治要活字鑄之歸化
 明人林五官亦與事云○三月十七日以前大將軍
 源家康為太政大臣遣權大納言兼勝權大納言實
 條就駿府拜之○四月太政大臣從一位前大將軍
 薨年七十五公經基王玄孫源義家孫新田義重十
 七世贈大納言廣忠嫡子也天正十五年為大納言
 慶長元年進內大臣五年任征夷大將軍總督天下
 武人上尊皇室下保萬民得其位得其壽大費無
 窮○五月權中納言源有親卒源將繼之子也昔參
 議六條源有繼避亂之伊勢永正中卒不祀有親嘗

奉勅繼之至是卒幕府以備後守酒井忠利為老
 中六月賜駿府於橫須賀源賴宣○七月以日光山
 寺主天海為大僧正少將源忠輝有罪幕府奏収其
 封放之朝熊○八月幕府令長崎嚴禁邪蘇教是歲
 以伯耆守青山忠俊修理亮內藤清成為老中封伊
 豫守松平忠昌于川中嶋○三年二月二十一日賜
 前大將軍跡曰東照大權現三月九日贈之正一位
 遣參議藤原實顯至日光廟宣命復賜幣以參議
 藤原共房為之使四月遣二品青蓮院尊純法親王
 祀廟大將軍詣之○五月朔雨霰○六月十八日大

後陽成帝崩

朝鮮賀天下

將軍自江戸入朝謝恩○八月二十六日上皇崩
 年四十七稱後陽成院上皇好學能畫嘗屢召三
 宅嶋進講經書甚寵之慶長中賜鷹峯地方四十間
 豫為其塋域云朝鮮使來豐臣秀吉薨之後東照公
 聽韓王請及予文祿俘二千三百餘人韓王感恩遣
 使獻駿府江戸復屬於我至是乃又遣使賀平天下
 大將軍臨伏見受之○九月二十日火葬後陽成
 帝于泉涌寺藏遺骨于法華堂法華堂在深草安樂
 行院中四條帝以來聖骨多瘞焉世呼御骨堂大
 將軍歸江戸是歲奏封其子忠長于小諸久松定勝

皇朝通志卷之三十三

其新橫濱

于桑名徙牧野忠政于長岡小笠原政信于關宿加
 藤貞泰于大洲龜井政矩于津和野主計頭井上正
 就為老中開神田川○四年十一月十四日以權大
 納言兼勝為內大臣○五年正月十七日 帝觀樂
 于東庭慶長四年八月觀樂于南庭六年七月觀樂
 于東庭七年正月觀樂于東庭其後亦臨時御覽之
 而正月為恒例助于此○二月十七日以權大納言
 藤源定熙為內大臣○五月大將軍自江戸入朝安
 藝備後大名少將福島正則有罪於是奏收其封流
 之信濃是夏夜白氣見東南狀如牛角長數丈至冬
 見白氣

乃不見又彗星見東北○七月准三宮關白二條藤
 原昭實薨年六十四無嗣九條幸家子康道繼之○
 八月二十日修 後陽成帝三年忌齋行法華懺法
 于清涼殿至二十六日畢○九月幕府奏徙大坂與
 平忠明于郡山郡山水野勝成于福山和歌山淺野
 長晟于廣島駿府源賴宣于和歌山於是遣紀伊守
 內藤信正守大坂城謂之城代後復遣松平豐前守
 石見守戌其京橋玉造謂之加番藤原肅卒肅字欽
 夫播磨細川人中納言定家十二世參議為純之子
 幼為相國寺僧穎悟絕人其叔父僧長老宣以碩學
 月拾初月 三月記開 卷一 百

擅名嘗謂人曰吾會姪沙彌不得開口及長好儒遂
 還俗居北山市原自號惺窩又北肉山人嘗究心程
 朱之學大發明之元弘中僧玄惠始講朱註之後間
 有唱之者然世未有崇信之及至肅振起斯學為世
 先鞭新註始行於世東照公聞肅賢屢使講經史而
 聽之遂聘其高足林信勝以備顧問至是大將軍欲
 用肅方議聘禮會卒舉世惜焉卒年五十九遺稿有
 惺窩文集十七卷行于世肅生為景後正保中為叔
 父近衛少將冷泉為將嗣子任近衛中將十四日以
 前左大臣幸家復辟關白大將軍自京師歸江戶

惺窩
朱註

詔知恩院良純親王列門跡親王 上之弟也跡八
 宮嘗為東照公養子是為知恩院門跡祖○十月大
 將軍奏謁日光廟是歲徙松平忠昌于高田丹羽長
 重于棚倉小出吉英于出石吉英弟吉親于園部
 部光信于大溝侍所司代侍從伊賀守板倉勝重罷
 自慶長癸卯歲來衛 大內兼執京畿諸政明斷以
 廉稱至是幕府以其子周防守重宗為所司代來代
 亦廉介明斷世以為不愧父云外船納錦魚 本邦
 有此水蟲是為始○十二月二十八日以權大納言
 右近衛大將兼退為內大臣○六年正月十一日以

皇朝通志卷一百一十一 禮儀 十一

大將軍嫡子家光為權大納言叙正三位信尚辭左大臣十三日以右大臣信尋代之○二月十八日准后新上東門院諱晴子薨正親町皇子贈太上天皇諱誠仁之妃後陽成帝之母也京師災○三月京師災十五日勅阿闍梨前大僧正三寶院義演修仁王法于清涼殿至二十一日畢○六月二日尊國母近衛氏曰准后稱中和門院十八日以大將軍女和子拜女御女御前月自江戶入京師大炊頭土井利勝雅樂頭酒井忠世掃部頭井伊直孝從焉至是自二條城乘牛車入內○八月左大臣信

女御
自江戶
入

尋辭左近衛大將十七日以前內大臣實益為右大臣內大臣兼遐兼左近衛大將西大路氏絕久矣是歲藤原總光子隆鄉繼之任左近衛少將幕府築源忠長第于府城竹橋門內名北城○十二月二十日勅奏神樂于內侍所○辛酉七年正月二日以前內大臣定熙為右大臣罷十二日以兼遐代之權大納言藤原康道為內大臣○八月暹羅使來詣江戶獻書及物○十月帝命以活字印宋朝類苑以頒賜諸縉紳又賜大將軍當時西土此書已亡亦無刊本云○十一月從一位前左大臣近衛藤原信尚薨

月台新刊 其後補補板

年三十二子教平嗣三品中務卿伏見邦房親王薨
 子兵部卿貞清親王嗣是歲幕府奏徙玄蕃頭有馬
 豐氏于久留米阿媽港使來獻幕府侍從織田長益
 卒信長之弟為大和芝村大名學點茶儀于千利休
 盡其道自踊有樂又乃其軒從學甚多遠江守小堀
 正一為其上足創一儀又工插花世所謂遠州流之
 祖也○八年四月大將軍奏謁日光廟○秋山形最
 上義俊有罪○冬宇都宮本多正純有罪皆禡封正
 純放于出羽○十一月以藤原公勝為侍從是歲幕
 府奏徙戶澤政盛于新莊酒井忠勝于莊內真田信

大缺
公缺

之于川中嶋川中今松代也○九年正月八日修密
 齋于紫宸殿阿闍梨東寺長者前大僧正義演主之
 至十四日而畢此典久廢至是復自後每正月行之
 又修大元帥法于小御所權僧正無量壽院堯圓主
 之○三月十五日以權大納言源家光兼右近衛大
 將○四月大將軍謁日光廟六月入京師上書辭征
 夷職○七月二十七日以源家光為征夷大將軍遷
 內大臣補源氏長者任右馬寮御監賜兵仗牛車右
 大將如故遣傳奏權大納言藤原實條等就伏見拜
 之時年二十是日前大將軍奏益供御田二十八日

明治新編 十三朝系圖 卷一 十五 其親補

皇清通志 卷之三十三 朝野雜記 卷之三十三 其後補補

前大將軍大將軍共入朝謝恩○八月六日大將軍入朝諸大名詣伏見賀襲替○閏月幸家辭關白十六日以左大臣信尋代之補藤氏長者聽內覽賜隨身兵仗牛車○九月大將軍歸江戶毀伏見城進其寢殿等于妙法院賜其四脚門等于東本願寺築淀城命桑名久松定勝子定綱鎮焉備中守阿部正次若狹守內藤清次為老中○十月二十八日修不動法于清涼殿准后阿闍梨義演主之○十一月十九日皇女興子生○十二月前左大臣鷹司信房之女孝子嫁大將軍是歲越前參議源忠直有罪幕府奏

放之豐後明年徙其嗣子光長于高田○甲子寬永元年二月初大將軍奏請幸二條城斟酌北山聚樂二典於是乃營行宮于二條城中命中納言源義直掃部頭井伊直孝掌工事晦日改元寬永○三月二十五日帝遊覽櫻町宮○四月幕府修築江戶西城或云移伏見城第修之○六月幕士弓削田七助以私怨斫殺秋田長門守于營中自殺焉○七月二十三日勅大僧正阿闍梨尊純法親王修北斗法于清涼殿至二十九日畢○八月初前大將軍數加小諸忠長封去歲七月累進權中納言至是又增

月給新刊 皇清通志 卷之三十三 其後補補

明沙羅越 十三朝 卷一 其表 卷一 其表 卷一 其表

從二位高 薨 後 禮

封之駿河遠江徙治駿府○九月故太政大臣豐臣秀吉夫人從二位淺野氏薨于高臺寺年七十六○十一月二十八日立女御和子為皇后稱中宮自後村上朝以來歷世皇妃不正其位號以女御自居者十一代至是復此禮○十二月朝鮮王李佺使來賀幕府繼世是歲幕府奏徙松平忠昌于福井伊西把你亞使三百人至長崎幕府以其邪蘇徒故却之○二年初慶長中長崎商人津田亦至暹邏也會其國與哥阿戰將敗於是國王請亦援之亦乃與山田仁同帥我民在暹邏日本巷者六七百人擊破哥

我民 亦破 阿哥

山崎 宗鑑

阿軍走之王大悅以其女妻亦一官授仁數年亦生子參至是亦以妻參釋迦佛像梅檀木等還自其國或傳仁伊勢山田人以其功補暹邏國宰宗鑑歿鑑本名範光字彌三郎姓支那近江佐佐木氏遺臣薙髮更名號一夜庵最善連歌名馳海內嘗給事室町氏退隱山崎關趾弟子宗因以諧歌聞範光一作範重○三年三月幕府以大藏大輔青山幸成為老中命林信勝撰大學和字抄四月謁日光廟○六月前大將軍自江戶入京師○八月大將軍入京師前大將軍遊觀淀城十二日前大將軍大將軍共入朝十

月拾新刊 十三月 卷一 其親 卷一

明治親典 十三 前納言 卷一 其親典者也

大納言道房參議藤原業光並班前大將軍之下右大臣兼退式部卿智仁親王彈正尹好仁親王前關白幸家權大納言義直權大納言賴宣權大納言忠長權中納言賴房並班大將軍之下權大納言藤原實條權中納言藤原季繼左近衛權中將藤原為賴並列關白右大臣之間以掌事 帝賜御製日摹函胡玗囊吐利毛鄒牟邊俱玲多圭濃須具奈屢與沽曾加幾理子羅荔寧兩大將軍與關白以下皆齎之九日使俳優奏散樂有難波田村源氏供卷紅葉持道成寺三輪藤永熊坂猩猩諸曲十日 車駕還

宮前大將軍獻名刀菊一文字一口鞍馬五頭金二千兩御用時服百領緋綸百卷定家萬葉集行成朗詠集趙子昂陶淵明圖伽羅十斤麝香五斤蜜六十六斤大將軍獻菊一文字行平二名刀鞍馬十頭沙金三千兩白金三千枚御用冠服二摺御用時服二百領蘭絹百卷香木長一丈三尺圍四尺五寸者麝香五斤瑤瑁三十枚紅脂二百斤道風墨蹟一帖牧溪觀音龍虎三幅圖金香孔雀金香獅子銀香爐金燭鶴銀花瓶銀花桶銀茶架金茶鉞金風爐金茶盃金茶壺及金銀膳器七十餘隻銀衣架等前大將軍夫

月台所刊 三月巳月 卷一 七一 其親典者也

明德歸化○四年正月幕府奏收會津故蒲生忠卿封命其弟忠知繼世徙之于松山松山加藤喜明于會津後七年忠知亦無嗣邑除○八月六日大水○九月先是大將軍奏建一寺于江戶忍岡當東照公廟于其中至是成名東叡山寬永寺以天海為開山○十一月塔伽沙古使理加來獻幕府是歲幕府禁紅毛互市後免之○五年四月兩大將軍謁日光廟○六月高仁親王薨年三歲上之第一子也○十一月江戶西城花園番屬猶村與同僚數人夜鬪爭于西城中殺二人是歲幕府以出羽守森川重俊為

創東
叔山

人淺井氏大將軍夫人鷹司氏亦各獻沙金御服前大將軍又進中和門院中宮白金各五百枚縵子各五十卷時服各三十領沈香各百斤伽羅各五十斤大將軍又進其兩宮白金各千枚白綸各五十卷緋綾各五十卷時服各五十領紅糸各百斤沈香各百斤麝香各二斤伏見八條高松三宗室關白以下公卿仁和以下親王及宮女庶尹皆有贈遺侍從西三條藤原公勝卒○十月前大將軍大將軍皆東歸○十一月二十五日以皇子高仁為親王○十二月四日以八條智忠為親王是歲明浙江醫人陳

月台介
三月巳月
卷一

其親樓藏板

末次討臺

老中先是長崎末次商船過臺灣海為紅毛所劫抄而歸末次囑濱田彌彌弟小小子新藏等往報之造臺灣以計謁賊魁即執之揮匕首擬其心以詰罪魁泣謝左右驚起持銃環擬之彌曰汝發則我刺矣仍定償約至是以魁質子并紅船一艘歸長崎奉行囚其俘衆尋質子病死後皆釋還○六年正月伊豫松山盜賊千餘人蜂起下野守蒲生忠知發兵討平之一品式部卿智仁親王薨子智忠親王嗣智仁正親町皇子 贈太上天皇諱誠仁之子 帝之叔父嘗為豐臣秀吉養子是為八條殿祖智忠有弟忠幸

時年六歲後踰廣幡為正親町源氏祖○七月前左大臣信尋辭關白○八月二十八日以右大臣兼退為左大臣任關白補藤氏長者賜牛車○九月東山清水寺災後二年幕府再造之令竹中筑後守監工○十月 帝令傳旨於幕府曰遜位以二女繼之大將軍大驚謂自遷都已來久無女主至今女宮踐極後世曰外戚威之所為也諫之不聽二十九日以皇女興子為內親王○十一月六日以内大臣康道為右大臣權大約言實條為內大臣八日 帝讓位於興子內親王 詔關白兼退攝政在位十八年改

元者二曰元和寬永延寶八年八月崩年八十五

帝性聰明善和歌極古今奧義在院之日親撰明題

和歌集又工連歌好畫帝尤信佛教避位之後每

使文守如周天圭等說禪律於御前亦詔隆琦

性敏進法語云皇女立是為明正天皇

明正天皇諱興子後水尾帝第二女也母中宮

諱和子前大將軍之女也至是受禪時年七歲仍用

寬永號是日尊後水尾帝曰太上天皇九日尊

中宮曰東福門院是歲暹邏使來獻幕府○七年六

月琉球人詣幕府○七月三日中和門院崩年五

十六葬于泉涌寺○九月五日遣正五位上王兼久

祭主大中臣友忠小舍人齋部親賢奉幣于大廟

告嗣位十二日行即位禮所司代板倉重宗巡警

洛中前大將軍使雅樂頭酒井忠世大將軍使大炊

頭土井利勝共朝各獻御劍一口御馬直銀千兩以

賀即位又朝院各獻上皇御劍一口御馬直銀

五百兩獻皇太后銀五百兩以賀之是歲正二位

織田信雄入道常真薨元和中常真之封於宇陀也

小畑亦其領中而長子左近少將信良嘗出治小畑

不得復還於是次子高長紹宇陀任侍從○八年二

月二日使使詣石清水廟大將軍獵于川越翌月還

肥後守藤原忠廣造一大船名之曰日本船幕府疑

以為有異圖至是奏收其封放之于出羽先是熊本

城內樹皆生瓜形如冬瓜一瓜娠薪刀蓋家亡之夫

忠廣清正之子○八月目付豐嶋刑部以私憤斫殺

老中主計頭井上正就于營中○十二月十五日以

權大納言藤原公益為內大臣駿河權大納言忠長

獵州淺間山為神所祟病短氣○九年正月九日以

權大納言藤原教平為內大臣太政大臣從一位前

大將軍薨年五十四出羽守森川重信信濃守內田

正信殉之○二月二十二日遣前內大臣藤原公益

樹生瓜胎瓜

重信正信殉死

于江戶贈前大將軍正一位賜諡曰名德院公文祿

元年為中納言慶長六年進大納言八年兼右大將

馬寮御監十年拜內大臣征夷大將軍公性孝順一

奉東照公遺誠親賢士遠佞人○三月二十三日

勅權大納言藤原光慶賜幣于日光廟以東照公十

七年齋也○六月幕府奏徙鳥取池田光政于岡山

岡山池田光仲于鳥取先是奉勅修賀茂下上兩

廟至是成○七月四日遣權大納言藤原光廣等于

賀茂行遷宮儀○九月幕府奏幽權大納言忠長于

甲府尋收其封忠長怙名德公寵驕縱滋甚故被幽

月台所刊三月巳酉

無幾免之不悛明年自殺于高崎○十月幕府奏徙
 豐前細川忠興于熊本封小笠原忠真于小倉忠真
 姪長次于中津○十二月攝政兼退辭左大臣二十
 四日以前右大臣藤原定熙為左大臣罷二十八日
 以右大臣康道代之內大臣教平為右大臣權大納
 言道房為內大臣幕府以讚岐守酒井忠勝為老中
 始置大目付以修理亮秋山正重但馬守柳生宗矩
 河內守水野守信為之是歲 上皇賜僧文守桑田
 郡千畑邑為建一寺名法常寺後又賜清涼殿以創
 靈源寺于舟岡山陰文守號一絲久我氏族而為南

置老役

禪德儉法孫有名聲 上皇嘗徵問法進對稱 旨
 既而潛遁演化堅木原 上皇及聞之遣中使諭還
 京固辭行隱千畑因 勅賜其地居止焉尋以其猶
 僻遠又命兼住靈源云權大納言源義直建孔子祠
 于江戸忍岡或云為林信勝立書院因安孔聖像○
 十年正月二十日小田原地震人畜死者多東山知
 恩院災○二月幕府增千石以下小性書院番俸每
 上二百石三月奏始置少老役以豐後守阿部忠秋
 志摩守三浦正次備中守太田資宗為之加賀守堀
 田正盛為老中七月詣忍岡孔聖祠命林信勝講堯

皇朝通志卷一百一十五 無幾免之 不殺關手卷之

典是歲徙信濃守永井尚政于淀尚政臣有佐川田
 昌俊字喜六故越前長尾氏遺臣弱冠屬人戰于大
 津顯勇為尚政父直勝所舉性敏善和歌明孫吳又
 能連歌與其師法眼里村昌琢齊名嘗藤原雅庸以
 昌俊和歌備後陽成帝覽大賞云後致仕隱新村
 自號默默庵○十一年權大納言光廣上木下貞幹
 太平頌幹時年十三詞旨淳正朝野以為國瑞云○
 七月大將軍西上入二條城所率三十萬七千人
 帝欲以大將軍為太政大臣十六日遣使諭旨辭
 不敢當十七日再諭固辭不拜十八日入朝既朝

幕府領都民銀五千貫

上皇奏請復聽政以女主故也○閏月三日大將
 軍奏增上皇湯沐邑四日朝上皇勅觀蹴鞠于
 院中二十三日江戸西城災先是幕府始置大老
 役以酒井忠世為之於是忠世守西城乃坐傳大老
 大將軍在二條城召見京師市人領賜白金五千貫
 錢令大目付宗矩傳命曰昔者台德公上洛也賜都
 下以白金一萬貫錢今賜減之公上憾焉而忝戴之
 初東照公免京城內市地租至是大將軍又免城外
 市地租應仁以來京洛數罹兵燹九衢擬亡當織田
 氏時僅存二條以上百數町與二條以下五條以上

皇朝通志卷一百一十五 皇朝通志卷一百一十五

西洞院以東高倉以西五十餘町餘皆成荒野織田氏素欲再造京師故令新聚蠲徭役尋昇平日久戶口歲增至是內外市街合一千二百七十九町民房三萬五千四百餘間皆分賜云大將軍如大坂免其地及奈良地租或傳界市亦免之○八月朔大將軍入朝既東及歸頒白金于府下市民○九月兼退辭攝政大將軍謁日光廟○十一月二品昭高院道周法親王薨年二十二後陽成第十二皇子也岡山藩臣渡邊數馬殺同僚川合又五郎復弟小才治之讎初又五以私憤殺小才治于江戸潛匿某氏既出

殺數馬仇

畜劍士招親戚提十餘人羈旅以自衛之京師及奈良遂欲如伊勢入伊賀路數馬聞訃欲為報之致仕請其姊夫荒木亦助之亦以擊劍受俸於郡山為之致仕與俱索讎至是聞又五赴伊勢乃趾之潛宿又五所次嶋原驛明早二士與其僕二人皆戴鎧巾襯鎧衣至植野城下博勞衢要之又五未之知乃行及折衢見其卒為僕斬大驚下馬持槍數馬揮刀與鬪少傾互被數創亦縱橫奮擊殺傷數人遂斫又五斃之令數馬斬首是歲幕府奏始置京師町奉行以五味備前守為之徙酒井忠勝于小濱京極忠高于龍

京師町奉行

月廿三日

野戶田氏鍊干大垣九鬼久隆于三田○十二年正月右兵衛佐藤原總盛卒權大納言廣橋總光之子是為西日野家祖○二月六日以權大納言藤原實秀兼右近衛大將○三月初江戸賜書於外國也未曾有自稱以王孫而元和中朝鮮入貢也對馬守臣柳川調興與僧玄方密謀加一王字於幕書日本國之下以傳貢使還蕃之後事覺幕府檢之調興惶懼遽誣其主宗義成數年不決至是大將軍召義成主從親聽之調興遂伏其罪褫邑流于津輕玄方亦處流○七月幕府令長崎禁交趾占城呂宋阿媽港等

上皇朝

舶入互市先是諸外舶隨便泊西海諸津至是以嚴禁邪蘇教傳之二十六日天赤如火○狩野光賴歿本姓木村幼仕豐臣秀吉好畫遂命學狩野永德冒其姓自號山樂善山水人物花鳥牛馬有出藍之名龍本房采昭出此門○九月實秀辭右近衛大將四日以權大納言藤原尚嗣代之○十月六日帝朝上皇于櫻所宮十日以左大臣康道攝政補藤氏長者聽內覽賜牛車大將軍命林信勝撰和漢法制○十二月駿府城災大將軍以其所自獲白鳥一頭獻天皇上皇奏始置寺社奉行以東市正堀利

重為之是歲徙大野松平直政于松本桑名久松定

行于松山封定行弟定房于越智後三年賜直政出

雲徙治松江○十三年正月朔日食廢小朝拜明日

行之幕府始設評定所後一位前左大臣九條藤原

兼孝薨年八十四子幸家嗣○四月十日遣參議藤

原公景等賜幣于日光廟先是幕府改造此廟至是

成壯麗無比大將軍謁焉○五月幕府奏鑄新錢於

近江坂本文曰寬永通寶自六月行之自天正文祿

以來我商船往明及東京安南太泥暹邏阿媽港口

宋東埔塞等諸夷互市而慶長辛丑京師角倉氏朱

江戶置評定所

鑄寬永通寶錢

場司茶屋等與長崎界浦諸大商更奉幕府船牌紹

此業世謂御朱印船至是幕府以禁蠻教悉停之○

七月初大將軍弟正之出為保科正光嗣子冒其氏

至是大將軍增封之于山形賜松平氏○十月尤近

衛少將藤原基教卒參議園基任之子是為東園家

祖基任孫三位基起為葉川家祖後三世改氏壬生

基起子權中納言師香為石山家祖師香弟右近衛

少將基維為六角家祖○十一月皇姊昭子內親王

降嫁近衛藤原高嗣○十二月朝鮮王李侗三使任

紗金世濂青丘來獻幕府是歲勅赦藤原忠長罪

日本書紀卷之二十一 孝德天皇 三十一 三十一

天草 邪起

慶長中侍從猪熊卜部教利及中將藤原賴國少將藤原宗隆少將藤原忠長少將藤原雅賢少將清原宗勝諸輩密勾宮女所在奸淫事覺 勅誅教利流賴國等五人于硫黃蝦夷隱岐伊豆宮女五人于八丈參議藤原光廣少將藤原實久連坐之被宥至是諸流人已死于島中獨忠長生在松前乃得見釋後十六年還京師其子定逸任權大納言辨野宮大將軍使狩野守信畫東照公事跡于營中諸障○十四年正月朔日食二日小朝拜○八月小西行長遺臣蘆塚等以邪蘇教聚天草民作亂推天草時貞者為

魁帥九月擁衆入嶋原犯高久城掠其倉穀三萬二千苞火藥甲馬等築于原城墟惣天草嶋原男婦三萬八千餘人據焉高久嶋原支城○十月大將軍命西海諸藩攻賊遣內膳正坂倉重昌石谷十藏等督其軍討之○十一月細川忠利黑田忠之錫島勝茂有馬豐氏立花宗茂小笠原忠真寺沢忠高松倉勝家嶋津山内將等共圍原山惣兵十二萬五千攻之賊善拒有馬將壹岐死之寺澤松倉等兵亦死者多大將軍復遣伊豆守松平信綱采女正户田氏鐵討賊命日向守水野勝成贊謀焉○十二月攝政康道

月台所刊 三四月巳月 三十一

明治新編 卷之三 幕府 卷之三
辭左大臣初高倉氏絕矣權大納言四辻藤原公遠
子權大納言嗣良繼之因誦高倉至是改誦藪氏嗣
良有子參議季定為中國家祖季定子三位季起為
高丘家祖○十五年正月朔板倉重昌率諸軍攻賊
城上發沐以箭如雨軍卒死傷無數重昌不為意身
先士卒而進並登城為渠帥駒木根所銃而死木火
箭駒木根等所造以堅木長六七尺為之一筒八二
十箭發法如煩世未有此器一時傳奇之松平信綱
戶田氏鐵等至嶋原徵清船紅船四艘於長崎命薄
城以大煩攻之不利一夷死之信綱聞巢中食盡乃

擄於城下日出而復歸佛教者皆免罪而無一人出
者○二月自始圍與賊戰十數合多不利至是賊數
千夜襲黑田營以木火箭焚之殺守將二人遂大犯
傍營寺澤將三宅藤力拒與諸將破走之獲渠帥二
人細川營起釣櫓臨城發銃九下如雨巢中頗苦二
十七日勝茂次子直澄單騎馳城冒矢石先登與左
右奮擊斬渠帥十餘人細川將太刀佩繼進破前門
而入縱火焚城焰烟漲天諸軍因爭入誅斬無算明
日攻內城信綱將某戰死直澄再先登時負蘆塚以
下悉伏誅賊遂平初天草山田村長右者事母至孝

邪蘇徒起不得已而從之使妻扶母逃去入巢中守
一擗一夕射書於小笠原營曰臣有老母避在蓮池
大征唯免母也臣效死以報恩伏祈速告襲期使臣
內應信綱令忠真射復之為行夜所拾諸渠帥大驚
皆欲戮右蘆塚獨不可曰渠怒而懷部下殺之部下
必倒戈不如託事入牙囚之代守慶來襲諸軍莫之
知至期襲不克及城陷賊卒以魁命至囚所將殺俄
而散去至是信綱出右於巖窟釋桎梏送之江戶大
將軍大感天之保全孝子赦右母子及孥反賜其田
宅○三月信綱氏鐵同巡視長崎平戶天草唐津等

天必助孝子

四月凱旋○五月大將軍賜信綱氏鐵名刃等奏封
鍋島直澄為蓮池大名拜甲斐守收嶋原長門守松
倉勝家封流之會津削唐津兵庫頭寺澤忠高封收
其天草郡初勝家驕侈暴飲及賊起民多叛黨之其
討賊亦怯懦無功於是乃亡忠高後病狂自刃無嗣
邑除○六月二品彈正尹高松好仁親王薨年三十
六○十一月幕府以對馬守阿部重次為老中是歲
以雅樂頭酒井忠清為老中再造高野大塔建東海
寺宗彭禪師為開山○十六年三月以曼殊院良恕
法親王為天台座主二十日東叡山東照公廟火幕

府奏以奥平忠明為西國探題徙之于姫路○八月十一日江戸牙城災天主閣得全大將軍避火西城再築之明年二月成○中沼兼昭歿石清水瀧本房主踰惺惺翁又松華堂善畫筆姿蕭散舉世雅重之又法尊朝親王能書與本阿彌光悅為一時領袖○十一月 上皇親洒宸翰于東照公繪傳中而畢初大將軍命僧天海撰傳狩野守信作圖以奏 上皇因為加御書數章及賜云是歲幕府奏徙忍松平信綱于川越壬生阿部忠秋于忍並為老中封賴房子賴重于下館三浦正次于壬生壬生原京師坊名往

帝朝
上皇

昔朝士壬生官務者避亂之下野居焉故名云僧袋中歿為東山袋中庵始祖嘗周遊琉球國錄其所見聞以傳世○十七年三月十二日 帝朝 上皇于櫻町宮十七日 車駕還宮二十一日以右大臣教平為左大臣○四月大將軍詣日光修東照公二十年齋○五月幕府已禁南蠻互市而去歲呂宋舶入長崎請復互市不聽追之至是其船七十餘人再入固請之幕府乃誅其六十一人宥餘燒船時呼南蠻黑船○六月二十四日以前內大臣實條為右大臣叙從一位○七月以二品亮然法親王為天台座

織部復叔之仇
主○八月幕府奏收高松壹岐守生駒高俊封放之
出羽其宰生駒將監與同列前田助爭事而高俊不
能制故也於是助賜死將監處流助有姪前野織部
謂亡主家喪叔父皆由將監無道潛如出雲殺之○
十月西三條藤原實條辭右大臣薨年六十六其子
故公勝子實教嗣右大臣好學善和歌及書次子侍
從公種為武者小路家祖實教弟權大納言公音為
押小路家祖幕府奏徙高槻岡部宣勝于岸和田○
十一月三日以内大臣道房為右大臣權大納言尚
嗣為内大臣是歲諸國牛病多死○十八年正月大

西洋入泊之始

將軍修 大内始置勘定奉行紅夷來獻幕府慶長
庚子歲諸厄利亞與紅夷俱至界浦乞互市幕府聽
之皆泊平戶是為西洋入泊之始其後有故傳諸厄
利亞至是始許紅船泊長崎次出鳴南蠻舊館諸厄利
亞即漢人刺亞後世呼英咭喇或傳元和二年以波
爾杜瓦爾出嶋舊館賜紅毛波爾杜瓦爾亦西洋夷
江戸火○三月二十二日 移御假宮○十二月教
平辭左大臣是歲幕府建日光多寶塔奏徙大久保
忠季于明石山崎家治于九龜植村家政于高取○
十九年正月十九日以右大臣道房為左大臣内大

月台... 三月... 其見...

臣尚嗣為右大臣權大納言藤原光平為內大臣○
三月天下大飢至于五月幕府發錢穀賑之時米斛
銀八十錢○六月 宮成十八日 帝徙御焉○十
一月十五日以皇弟紹后為親王明年 命更名紹
仁○十二月夜東寺浮圖第二層無故火起災幕府
再造之至正保元年七月成塔高二十八間六尺上
又有輪蓋此役所費銀九百七十貫六百四十餘錢
幕府奏以和泉守松平兼壽為老中是歲徙少將賴
重于高松封水野忠清于松本紅夷十三人自咬啣
吧漂至南部幕府送之長崎○二十年正月十八日

雨不得行三越打會二十一日行之○六月朝鮮使
來朝幕府賀嫡子生誕○七月幕府奏徙肥後守正
之于會津韓使詣日光廟○九月二十七日紹仁親
王元服于 院中攝政康道加冠藏人頭藤原綏光
理髮先是 大將軍奉 勅營新院于 中和門院宮
趾至是成初幕府命備中守太田資宗撰武家宗支
冊是月成名寬永諸系圖傳為二本其一林信勝楷
法書之百六十六卷一高野僧立詮俗體書之百八
十六卷於是幕府又命少將吉良義彌撰公家宗支
冊球球貢西瓜於薩摩嶋津氏慶長中南瓜烟草等
始有西瓜

三十一日 三十一日 三十一日 三十一日 三十一日 三十一日 三十一日 三十一日 三十一日 三十一日

自南蠻來其後蕃椒亦自其國來 本邦有此諸草
是為始大將軍奉 東福門院命作韓使朝府圖金
屏一隻入貢記七卷獻焉○十月三日 帝徙御新
院讓位於 紹仁親王在位十四年終不改號元祿
九年十一月崩年七十 皇太弟立是為 後光明
天皇

十三朝紀聞卷之一終

十三朝紀聞卷之二

從六位下行 齋藤實事和泉源朝臣照矩編次

男 正二位下長門掾源 賴矩 校

後光明天皇諱紹仁 後水尾帝第四子也母 壬
生院初諱繼子後改光子贈左大臣園藤原基任之
女寬永十九年為親王二十年十月受禪十二日尊
明正帝曰太上天皇稱新院二十二日遣正五位
下王兼春祭主大中臣友忠小舍人齋部親重奉幣
于 大廟告嗣位攝政康道左大臣道房右大臣尚
嗣內大臣光平並如故大僧正天海歿天海近江人

最澄法孫居延曆寺南光坊以密教為東照公所親
 信與金地崇傳等每參與幕議嘗與日光山開東叡
 山其將死也大將軍就東叡省問手賜湯藥云歿年
 百三十三○十一月十五日 帝始讀書二十一日
 行 即位禮時年十一大將軍使侍從酒井忠勝伊
 豆守松平信綱朝賀之四位五萬石以上諸大名亦
 各使使奉賀於是特授忠勝左近衛少將信綱侍從
 是歲 詔罷知恩院法親王良純放之于天目山近
 婦女茹葷腥故○正保元年正月十一日踏歌節會
 權大納言藤原嗣長奉行○五月二十九日遣使王

中山使始來

兼春大中臣友忠等修 大廟山口祭○六月近衛
 中將大隅守源光久以中山貢使國頭王子金武按
 司等詣幕府中山即琉球也慶長中光久父家久請
 幕府征定之賜隸焉於是王尚寤從家久來獻駿府
 江戶其後尚豐尚賢相繼而立至是尚賢遣使朝幕
 府賀生誕告已繼世是為中山使聘江戶之始其貢
 釵銀緞子羅紗太平布蕉布 為琉球國有中山山
 北山南之踰中山又名沖繩島其周迴七十四里王
 居焉王城曰首里距東西海岸各二里距北岸二十
 九里距南岸五里城西有那霸港去我長崎二百里

去朝鮮四百里去臺灣四百八十里沖繩之西有計
羅摩島伊惠島伊是那嶋惠平屋島粟島久米島等
內一二周廻五六里餘二三里以下也已上惣為中
山沖繩之北有與論島永良部島德島加計奈島大
嶋鬼界嶋大島周廻五十九里在薩摩南七十里為
北界德島周廻十七里餘十里上下也已上為山北
沖繩西南有宮古島太良滿島石垣島入表島與那
島寺內二三周廻十五六里餘四五里以下也已上
為山南但中山山北多水田土宜稷稻中山稅米七
萬一千七百八十餘石山北三萬二千八百二十餘

石山南多陸田宜菽麥稅米一萬九千九十餘石云

○九月三日 勅神祇少副卜部兼里紫祀吉田朝

參議藤原季福卒右近衛少將正親町季康之子是

為裏辻家祖○十一月以青蓮院尊能法親王為延

曆寺座主○十二月十六日改元曰正保幕府作興

地諸藩城圖是歲命林信勝撰中朝帝王譜鎌倉京

都將軍譜信長秀吉家譜封松平直良于大野太田

資宗于濱松直良秀康季子資宗持資入道道灌六

世孫○二年正月愛宕山祠火○三月蒲原郡如法

寺村一農房內忽有火光出自地中至今不滅後世

以為越後七奇之一。○四月以幕府嫡子家綱為權
 大納言，叙從三位，遣權大納言藤原經、李權、大納言
 藤原雅宣就江戶拜之。○五月後水尾上皇勅侍
 所司代板倉重宗徙蹴揚戒光寺于泉涌寺內，住僧
 天圭為泉涌如周，上足。上皇以其善律教信寵之。
 故有是命。幕府遣使巡察諸國。○十一月遣藤原經
 李賜宮，辨于日光廟。先是幕府修五條石橋，令觀音
 寺、辨興等監工。至是成寬文震壞，後更欄板木造之。
 此橋當時已在六條坊門，而其稱五條以原架五條
 磧也。古者鴨川諸橋中五條七條石造，至應仁猶存。

其後京師亂，諸橋概廢。及天正中，秀吉東征，發京
 師徙四條橋于三條，五條橋于坊門，修之。云初右近
 衛少將藤原季時卒于享祿中，阿野氏絕矣。其孫實
 顯嘗奉勅繼之任權大納言，至是薨。初姊小路氏
 亦久絕矣。實顯次子公景嘗繼之任權大納言，而公
 景弟參議勝忠為山本家祖。公景子權中納言實種
 為風早家祖。是歲幕府奏徙水野忠善于岡崎，松平
 直之于杵築，秋田俊季于三春，淺野長直于赤穂。○
 三年三月十日，帝以大將軍請遣使賜幣于日光
 廟。自是後歲遣使，世稱為例幣。靈源寺主文守歿。

日光
例幣
之始

良再攝政補藤氏長者聽內覽賜隨身兵仗牛車昭
 良即後陽成皇子兼遐先是改名是日勅權中
 納言藤原公景藤原言總修大廟明年五月勅
 權中納言藤原隆量藤原共綱行立柱上棟之儀○
 四月十五日夜月傍有如月者四真月明而傍者如
 朧二十五日江戶風雪寒如盛冬大將軍獵于麻布
 ○五月十三日江戶地大震城邸多毀○六月哥阿
 使昆刪鳩留船二艘至長崎乞復互市福岡熊本柳
 川唐津小倉大村諸藩各多發兵船備之幕府遣筑
 後守井上正清等誚其蔑禁令而來却之至八月二

復神

船還去哥阿即卧亞○七月三日以右大臣尚嗣為
 左大臣內大臣光平為右大臣左大臣如故二十二
 日大雨雹如梅子二十七日以攝政昭良復辟關白
 二十八日以前權大納言源通村為內大臣○九月
 十一日遣參議藤原綏光奉宸筆祝文于大朝
 兵庫大允王兼字神祇大副大中臣友忠從五位下
 齋部親重奉幣以祭焉此禮久廢至是復行自是後
 歲遣王等三使奉幣世所謂御祭是也伊勢奉幣自
 古特使諸王行之此時王氏無克之故勅兵庫寮
 稱王行事遂以為恒例○十一月內大臣通村罷通

見見妻友友

村能和歌有盛名二十七日 詔皇弟良仁紹高松殿封自好仁親王薨此第無主至是良仁出居之更號曰花町殿是月大將軍臨王子村觀犬追物犬追物射術名或云島津光久修其上祖忠義奉鎌倉命行之之故事也○慶安元年閏正月二十日以權大納言藤原實秀為內大臣一品仁和寺覺深法親王薨年六十一 後陽成第一皇子也○二月十五日改元慶安○三月五日遣使賜幣于日光廟巖野井溪建橋長七十五間世謂水曾掛橋○四月賜寬永寺祖天海謚曰慈眼大師大將軍奏詣日光修東照

近江聖人

公三十三年齋大赦天下二十二日地震箱嶺崩○七月十九日以良仁為親王○中江原歿原字惟命高島郡人幼而如老成以儒仕大洲藩弱冠致仕養母教授鄉里宅側有大藤人因號藤樹齋嘗得王守仁全書篤信其致知之學躬行後文詞人無賢愚感其行之厚遷善者衆時稱為近江聖人所著有大學孝經啓蒙中庸論語解鄉黨篇異傳翁問答春風鑑草日用要方小醫南針神方奇術醫筌其他甚多○二年二月五日伊豫松山宇和島等地震城巖壞民舍倒二十五日以前大納言藤原定好為內大臣

明沙赤史 卷一

○五月十三日武藏川越大雨電狀如瓜其大重可
 二斤小可四十錢人馬死傷者多○六月二十日江
 戶地震官邸市舍壞倒民死者多三宅嶋歿鳴字亡
 羊和泉人元弘忠臣兒島高德七世孫移家京師以
 儒為業從學頗多藤原肅長島幾二十歲而推稱為
 謙厚君子云 後陽成帝 後水尾上皇皆徵陞便
 殿進講寵遇優渥有器財名香等賜歿年七十義子
 道乙亦有學行○七月以前大約言藤原實晴補御
 廐別當○九月八日遣兵庫大允王兼宇祭主大中
 臣友忠小舍人齋部久忠等奉幣于 大廟行遷宮

謙厚君子

儀大將軍因遣吉良若狹守納神劍焉琉球王尚質
 使來獻幕府告繼世遂詣日光廟○十月後一位前
 關白近衛藤原信尋薨年五十一子尚嗣嗣信尋孫
 應山能書及和歌兼工丹青名世○十一月十六日
 以伏見邦道為親王藤木敦直卒賀茂祠人任甲斐
 守撫法三蹟於空海最為深詣子孫傳其法弟子佐
 佐木志津摩亦有聲谷素有歿有字時中土佐人初
 為真常寺主豪爽有志節元和初從南村梅軒受程
 朱之學遂蓄髮更業寺本多賞買書為盡之國守山
 內氏宰野中止小倉克從學焉止性剛毅閱書每聞

利益布之國中顯鄉學農兵種藥育蜜蠶硿為肥穿
豆呂港歲遣人長崎求書翻刻之等政績嘗令禁火
葬不止更令自今有罪之屍必焚由是自止州有不
生魚所令過焉者皆投石數年果生魚州古來不產
蛤蜊嘗在江戶買蛤蜊滿一船以歸鄉里謂衆曰施
與既投之于城下海不餘一箇衆恠問止笑曰此不
獨饋于等子後亦飲之後果多生蛤蜊遂為名產○
十二月二日以前大納言實晴為內大臣是歲幕府
奏徙松平直矩于村上本多忠義于白川永井直清
于高槻○三年三月二十三日東國地大震○四月

帝朝
上皇

常陸大雨霰○五月權大納言源義直薨東照公之
子好學究覽群書嘗創忍岡孔子廟所著有神祇寶
典百卷類聚日本紀東照權現年譜是為名護屋藩
祖○六月四日雨毛長四五寸○九月東西諸道大
水傷損田苗○十一月朔日南至二十一日以權大
納言藤原教輔為內大臣右大將如故○四年二月
二十五日帝朝後水尾上皇于櫻町宮二十九
日車駕還宮○三月二品東寺長者大覺寺尊性
法親王薨年五十後陽成第五皇子也二十三日
遣權大納言源通純奉幣于石清水廟○四月後一
月台所刊十一月巳月卷二

位左大臣征夷大將軍薨年四十八加賀守堀田正

正盛
重次
殉死

盛對馬守阿部重次殉之公聰明勇決寬永末改會
諸藩禮罷郊迎大藩自繼征夷職勉行仁義嚴扞外

患恩威洋溢及蠻貊○五月三日贈大將軍太政大

上皇

臣正一位賜諡曰大猷院太政大臣即大相國六日

嚴有
公繼

後水尾上皇薙髮法諱曰圓淨法皇○七月二十

六日以權大納言源家綱為征夷大將軍遷內大臣

兼右近衛大將賜兵仗牛車遣權大納言藤原經季

就江戶拜之時年十一大將軍使侍從酒井忠清朝

賊正
雪

謝轉官之恩於是特授忠清左近衛少將江戶劍士

由比正雪謀逆使其黨丸橋忠彌等居深川自之駿

府城下將並起事覺江戶町奉行神尾元勝石谷貞

清率屬吏夜急圍忠彌宅擒之駒井右京奉教馳至

駿府與城代大久保忠成加番秋田盛季等共圍正

雪所在正雪兄弟黨與十餘人自殺焉至十一月磔

忠彌等三十餘人于品川賊悉亡或云忠彌長曾我

部盛親遺孽冒母姓者○九月前左大臣昭良辭關

白○十一月以良仁親王為式部卿○十二月八日

以左大臣尚嗣為關白補藤氏長者聽內覽賜隨身

兵仗牛車是歲幕府奏徙下總守本多俊次于膳所

北條正房奉教推問紅毛西洋戰攻大噴火箭諸法錄之為一書○美應元年五月初法眼林恕以少將酒井忠勝請著王代一覽自神武至正親町至是成○八月關白尚嗣辭左大臣二十八日江戸大風○九月十五日以右大臣光平為左大臣十七日以前內大臣實秀為右大臣十八日改元美應法皇第十子穩仁為八條智忠親王嗣子是歲幕府以少將雅樂頭酒井忠清為大老少將肥後守源正之奉大猷公遺命輔佐大將軍於是為著輔養篇進焉○二年正月帝召朝山素心講經于御前後屢

大內

人妖

召進講帝呼為白川三位入道云○二月右大臣實秀罷攝津而官火○六月二十日巳時大內災殿舍門廊悉燼僅遺文庫一字累世寶器皆無恙勸修寺烏丸二第延燒帝避火于法皇宮是月都下有十四五歲兒女數人無故戲放火火災頻作所司代重宗捕悉誅之蓋人妖也○七月關白從一位近衛藤原尚嗣薨年三十二子基熙嗣尚嗣能扣歌名于世權中納言藤原為賢卒冷泉為滿之子是為藤谷家祖其孫從三位相尚為入江家祖○八月諸道大水十二日以大將軍為右大臣遣權大納

言藤原共房就江戶拜之大將軍使近衛少將肥後守正之朝謝恩於是特轉正之左近衛中將○九月二十一日以左大臣光平為關白補藤氏長者聽內覽賜隨身兵仗牛車是月琉球使國頭間切王子等來獻幕府松永貞德歿德字長頭丸彈正久秀之姪善和歌受古今於幽齋藤孝又工連歌初立花開祠棲其側後應亮然親王之徵徙方廣南池田里起報恩堂蓋九屋設吟花廊于堂屋之間堂內安子昂真蹟法華經置上宮太子菩提達磨入凡貫之定家紫式部畫像自踊林園法皇嘗得其諧歌大奇之賜

御傘

以稱曰能諧花本感激創斯道軌則為一書名御傘故世推為諧歌始祖云遺書有戴恩記等○十一月四日以前內大臣定好為右大臣是歲神祇大副大_中臣友忠有罪詔褫其官爵流之○三年三月大將軍奉勅作_{皇宮}課諸大名取役○六月定好辭右大臣十七日以前內大臣實晴代之○七月二品兵部卿伏見貞清親王薨子邦道親王嗣無幾薨其弟貞致嗣權中納言平時庸卒右衛門督西洞院時慶之子是為平松家祖其弟三位忠康為長谷家祖忠康弟大膳大夫時貞為交野家祖時庸孫權中

來隱元

約言行豐為石井家祖去冬法皇勅長崎興福寺
 主性融徵明福州黃檗山住持隆琦性融因遣僧古
 石于明請其東渡至是隆琦領大眉獨言獨知獨湛
 獨吼獨立良演唯一垣修無上等二十僧至長崎琦
 姓林氏號隱元臨濟三十二世法孫而為經山寺費
 隱禪師法嗣名震西土遠暨國朝云旁嗜書精妙
 無比後建萬福寺自書諸大榜其徒弟亦多善書獨
 立為尤性融等有能畫名備前備中早既而大水○
 八月十八日尊生母園氏曰准后稱壬生院○九
 月二十日帝崩于法皇宮年二十二稱後光明

聖帝

院在位十一年改元者三日正保慶安兼應十月十
 五日葬于泉涌寺帝自幼英敏甚好程朱之學能
 屬文嘗親製惺窩文集序世號為聖帝帝嘗欲復
 釋奠命出累世所傳唐代孔子像十哲圖於秘庫
 以親示朝山素心然尋晏駕事竟寢又嘗欲停天下
 士庶去頂髮服短襖以復烏帽素襖之古俗不果自
 持統之喪始行火葬世世相羨其流俗莫復葬埋
 也帝每歎之將詔革其典會病痘醫官誤治卒崩
 而焚聖屍至帝而止初帝崩也朝議猶依舊
 典為火浴設有魚戶八者好宋學以其常出入官庖

皇朝通志卷一百一十三 皇朝通志卷一百一十三 皇朝通志卷一百一十三

竊聞之大哭曰噫聖天子盍得壽而事皆遂獻慮矣
大行固疾浮屠虛誕欲廢火浴復葬埋今也奉送其
終何火之進野臣敢諫之不聽有死耳乃奔走行
宮及攝關家直請廢火葬從帝意踰泣不退朝
廷感其忠告遂復葬埋云○十一月二十八日皇
太弟踐祚是為後西院天皇

○
後西院天皇諱良仁後水尾帝第七子也母從三位御匣弓諱隆子孫逢春門院贈左大臣攝弓藤原隆致之女正保四年上為花町殿主慶安元年叙親王至是迎繼大統時年十八初花町主聘岡

重宗
荐顯
治績

山少將池田光政女明子為夫人至是以拜女御光
平關白左大臣實晴右大臣教輔內大臣並如故是
月所司代少將周防守板倉重宗罷佐渡守牧野親
成奉幕命代之重宗尹京師幾四十年荐顯治績多
直節偉行世或以為賢於乃父其勸誠轂下二十條
令世所知也嘗為松永遐年請江戶賜鬻地建講習
堂京民有愬江戶求款其父罪老中為遺重宗書重
宗不開書封刑之開封報曰行刑之後會公書到僕
視之曰渠非死罪復訊之然京師政務僕辱委任而
存聽直訟而催京師則京師政刑錯亂主者不得決

月台行刊 三月巳月 卷二 一四

事即為僕不能如是請速免職老中大驚更致書謝
 之幕吏有赴任長崎過京師謁重宗晤語移時將出
 重宗袖出一古漢鏡曰此鏡嚮長崎奉行竹中重興
 所遺也予惡重興以墨敗每持此自照為戒因贈子
 乃與之池田光政亦嘗就問治術感服其大度云重
 宗省洛西某村之斂率吏卒十六人而往村長素知
 其有怨白曰敝邑殆苦貴從之多曰善哉想也予復
 來為減十人其恤民不吝率此類也池田光政賞淺
 口郡柴木村民甚助孝悌永免田圃五段之租○十
 二月右大臣實晴羅是歲皇兄守澄親王為日光山

日光御跡之始

寺主列門跡自開山第五十世也後叙一品天台座
 主日光古者皇族間住焉而中祖天海以來親王為
 之主是為始自是後親王更往為其門主○明曆元
 年正月二十五日以內大臣教輔為右大臣權大納
 言藤原公信為內大臣權大納言右近衛大將藤原
 房輔轉左近衛大將權大納言藤原公富兼右近衛
 大將任右馬寮御監權中納言藤原實教為權大納
 言叙正二位○四月十三日改元曰明曆夏旱○十
 月四日以皇弟穗仁為親王朝鮮使來獻幕府○十
 一月大內成十日自花町發徙御焉守澄法親

王自日光入朝於是 法皇賜之寺名曰輪王寺○
 十二月初油小路氏久絕矣廣橋藤原兼勝子隆基
 常繼之任權大納言至是薨是歲 法皇同 東福
 門院始幸東山修學院自是後歲二三回游幸焉松
 永退年歿退年字昌三貞德之子受業藤原肅為講
 習堂教授號春秋館又尺五堂門下有野間三竹字
 都宮的木下貞幹等歿年六十六長子昌易紹西洞
 院春秋館次子永三紹堀川講習堂明僧性瑠歸化
 來長崎福濟寺尋入黃檗山繼其第二世瑠跡木庵
 晉江人善書好畫自後性瑠即非千歿悅山悅峯如

蓮獨文竺菴大鵬等相續歸化皆住黃檗即非性瑠
 能書大鵬竺菴等有畫名○二年正月十九日遣正
 五位下王氏女權祭主大中臣兼長小舍人齋部久
 忠奉幣于 大廟告嗣位二十三日行 即位之禮
 是夜有赤雲見西方大將軍使侍從右京大夫松平
 賴重右近衛少將吉良義冬朝賀即位四位五萬石
 以上諸大名亦使使奉賀於是特授賴重右近衛少
 將義冬從四位上時所司代親成五位侍從亦拜從
 四位下○二月十一日 壬生院薨○六月朔以前
 權大納言藤原經孝為內大臣有赤氣二道自申酉

火柱

明... 卷二

焚死
十萬
八千
餘人

之交見西方及夜光耀如火數日不滅時呼火柱○
十二月二十六日以權大納言公富為內大臣是歲
幕府奏徒周防守板倉重宗于關宿○三年正月十
八日江戸大災十九日牙城延燒明日熄大將軍避
火于西城民焚死十萬八千餘人幕府設場數區為
粥施窮民瘞諸焦屍于本所為建一塔名無緣寺發
金億萬賑恤九萬石以下及市人法印林信勝卒信
勝字子信跡羅山京師四條人幼而穎悟有神童稱
好讀書五行俱下過目成誦人故目為囊耳及長受
業於藤原蒲慶長中為駿府文學薙髮稱道春寬永

道春
囊耳

中與弟信澄同叙法印卒年七十三嘗撰輯書百三
十種又有羅山文集百五十卷子孫世為幕府儒臣
信勝生恕字子和亦豪材博覽有鷲峰文集百二十
卷恕子曰信篤跡鳳岡學業不減父○二月幕府再
築牙城至九月成○四月兵部卿貞清親王女頭子
嫁大將軍 勅良尚法親王徙其北山曼殊院于一
乘寺村○九月幕府以美濃守稻葉正則為老中大
村平戶嶋原佐賀諸民修邪蘇教發覺長崎奉行黑
川與悉捕之於是幕府命與誅其徒五百餘人賜長
崎民利銀十二貫錢賞首告之○十二月從一位前

明治新刊 十三月巳朝 卷二 十二上見書成反

月... 卷二

其... 卷二

左大臣鷹司藤原信房薨年九十三教平祖父也○

萬治元年正月江戸火二十八日以皇弟識仁為親

王○六月明帝朱由擲大將朱成功使使至長崎獻

書及方物于幕府以乞援兵書辭不遜會議不答却

方物至九月使者還去○七月二十三日改元萬治

○九月十一日以權大納言房輔為內大臣左大將

如故○十二月晦日午時伊勢內宮災波多村失

火會西北風烈延燒之子祠寶庫等亦盡燬廟官力

救奉遷大神主新祀神主及寶器皆無恙是歲

幕府奏徙龍野京極高和于丸龜大將軍延見歸化

明僧隆琦賜京南大輪田地營佛圖施金錢巨萬復

給采田尋琦創一大刹名以明土舊稱曰黃檗山萬

福寺堂舍門廊亦悉依明制○二年正月京師火○

二月明儒朱之瑜歸化至長崎先是之瑜來本邦

允三次蓋欲得我援兵以恢復明室也鄭成功等亦

望其來援軍然竟弗得之亦恥食清粟至是投不復

還水戶藩光國招致文學之士有河間東平之風後

七年乃聞瑜賢聘為賓師○四月十日遣兵庫助王

善字大中臣善長齋部久忠等奉幣遷大神主于

假宮六月三日勅作大廟九月使王職行善長

鄭成 援兵

大廟 災

舜水 來

日本書紀卷之三十三
孝德天皇
二十三年
庚子年
十一月
十九日
遣使
王女
大
中
臣
善
長
齋
部
親
守
及
史
生
官
掌
等
行
遷
宮
儀
幕
府
建
隅
田
川
而
國
橋
○
十
二
月
右
大
臣
教
輔
罷
是
歲
詔
赦
皇
叔
良
純
罪
名
還
京
師
住
泉
涌
新
善
光
寺
後
再
破
戒
還
俗
居
北
野
寬
文
九
年
薨
焉
良
純
踊
以
心
菴
能
連
歌
及
書
幕
府
奏
收
刈
屋
能
登
守
久
松
定
政
封
不
告
還
邑
故
○
三
年
正
月
十
三
日
以
前
右
大
臣
實
秀
為
左
大
臣
前
內
大
臣
公
信
為
右
大
臣
○
二
月
權
中
納
言
源
具
起
卒
權
大
納
言
并
學
院
別
當
久
我
晴
通
子
木
工
頭
具
堯
之
子
是

江戶
建國
橋

康久奉幣焉善字久忠皆有喪故不遣幕府再造
內宮十一月成十九日遣使王氏女大中臣善長齋
部親守及史生官掌等行遷宮儀幕府建隅田川而
國橋○十二月右大臣教輔罷是歲詔赦皇叔良
純罪名還京師住泉涌新善光寺後再破戒還俗居
北野寬文九年薨焉良純踊以心菴能連歌及書幕
府奏收刈屋能登守久松定政封不告還邑故○三
年正月十三日以前右大臣實秀為左大臣前內大
臣公信為右大臣○二月權中納言源具起卒權大
納言并學院別當久我晴通子木工頭具堯之子是

為岩倉家祖其弟權大納言有能為千種家祖有能
子參議雅永為植松家祖具堯孫權大納言通福為
愛宕家祖初晴通生嗣子源氏長者通堅通堅生嗣
子權大納言敦通敦通生嗣子左近衛中將通世而
晴通孫參議通廉為東久世家祖敦通季子右近衛
少將通式為久世家祖通世次子參議季通為梅溪
家祖○五月天下大水流伊勢宇治橋○六月十八
日大坂大雷震城內火藥倉城內因復大震電多飛
壘石破擗殿及天主閣傷死者多城外士民宅舍亦
為之破○十一月佐倉上野介堀田正信背教還邑

月廿八日
三月己酉
卷二
一七
其見書或反

大内
災

幕府奏收其封。○寬文元年正月十五日巳時 皇
 宮災延燒公卿第舍百十九區及佛寺十餘宇民屋
 九百六十餘間。 帝奉 三神器幸昭高院。 法皇
 幸修學院江户火。○二月十八日 帝自白川遷幸
 右近衛大將近衛藤原基熙第。○四月實秀辭左大
 臣。二十五日改元寬文。○五月二十三日以權大約
 言藤原共房為内大臣。二十四日以前右大臣定好
 為左大臣。公信辭右大臣。○六月八日以前内大臣
 房輔為右大臣。○七月一乘院尊覺法親王薨年五
 十四 後陽成第十皇子也。權中納言源賴房卒東

照公子也是為水戶藩祖内大臣共房罷共房權大
 納言中御門資胤之子也清閑寺氏自文龜中絶矣
 共房嘗出繼之其次子權大約言共孝為池尻家祖
 共孝弟權大約言定矩為梅小路家祖。 法皇聞北
 村季吟名命求其所注伊勢物語玉佐日記覽之。○
 八月幕府修東山方廣寺至七年冬畢功。○閏八月
 二品天台座主堯然法親王薨年六十王。 後陽成
 第六皇子居廣福寺畫人物花鳥有風致又能書廣
 福即妙法院大將軍奏封其弟左近衛權中將綱重
 于甲府右近衛權中將綱吉于館林。○九月二十三

日以權大約言右近衛大將源廣通為內大臣○十
 二月權中納言藤原宗朝卒帝外祖攝守隆致之
 子是為園池家祖內大臣廣通罷右近衛大將○二
 年三月大將軍命讚岐守松平賴重掃部頭并伊直
 澄常參老中議政事爾後世奉之六日至二十日日
 色每旦如血月亦赤幕府毀方廣寺巨像以鑄錢文
 曰寬永通寶背文曰文所謂文錢也後二年新造木
 佛以安置焉大如前像金箔塗之世傳葺費不給故
 毀之法皇幸修學院幕府執官一色內藏殺勘定
 奉行播磨守伊丹勝長內藏有罪勝長與豐前守岡

毀方廣寺巨像

田善政同奉教按問之于私館及將訊內藏反欲害
 二奉行倉卒拔刀擊之殺勝長善政禦關與左右共
 斬之○四月大將軍作禁內修法皇宮新院
 宮命毛利黑田稻葉加藤伊東分部一柳等諸族助
 役○五月朔京師近江地大震近衛行宮法皇
 宮新院宮及二條城等皆摧五條石橋壞大溝朽
 水山崩朽木谷民多壓死遺動至冬而止大將軍奉
 勅獻明月記○六月十三日日光大水壞厓民死
 者多右兵衛督藤原實清卒左近衛中將橋本實勝
 之子是為梅園家祖○七月二品中務卿八條智忠

日以權大納言右近衛大將源廣通為內大臣○十
 二月權中納言藤原宗朝卒帝外祖攝守隆致之
 子是為園池家祖內大臣廣通罷右近衛大將○二
 年三月大將軍命讚岐守松平賴重掃部頭并伊直
 澄常參老中議政事爾後世奉之六日至二十日日
 色每日如血月亦赤幕府毀方廣寺巨像以鑄錢文
 曰寬永通寶背文曰文所謂文錢也後二年新造木
 佛以安置焉大如前像金箔塗之世傳葺費不給故
 毀之法皇幸修學院幕府稅官一色內藏殺勘定
 奉行播磨守伊丹勝長內藏有罪勝長與豐前守岡

毀方廣寺巨像

田善政同奉教按問之于私館及將訊內藏反欲害
 二奉行倉卒拔刀擊之殺勝長善政禦關與左右共
 斬之○四月大將軍作禁內修法皇宮新院
 宮命毛利黑田稻葉加藤伊東分部一柳等諸族助
 役○五月朔京師近江地大震近衛行宮法皇
 宮新院宮及二條城等皆摧五條石橋壞大溝朽
 水山崩朽木谷民多壓死遺動至冬而止大將軍奉
 勅獻明月記○六月十三日日光大水壞厓民死
 者多右兵衛督藤原實清卒左近衛中將橋本實勝
 之子是為梅園家祖○七月二品中務卿八條智忠

親王薨子穗仁親王嗣 法皇 新院兩宮成○八月常陸下總下野盜賊蜂起所在劫掠○九月法皇 新院徙還各宮幕府修東山蓮華王院命桑山修理亮等監工 龜山帝於得長壽院趾建南北七十間東西十二間之堂內安立像觀音千數名蓮華王院世稱三十三間堂今蓮華王院是也今世或以為 鳥羽帝所創三十三間堂者誤矣蓋得長壽院三十三間堂燬于寶治中○十月大隅地大震海盜大將軍使松平民部少輔板倉筑後守入議讓位事明年使上野介吉良義英賀內禪○十一月 宮成

○三年正月左大臣定好羅十二日以右大臣房輔代之二十二日皇弟識仁親王為 儲君迎入新宮二十六日 帝在近衛氏第讓位於 儲君以關白光平為攝政在位八年改元者三曰明曆萬治寬文 帝善書嘗誦宸翰於大勝曰天滿宮納北野廟揭其南門嘗命悉騰御府典籍及去位置之于新院時或以為院之闕物至延寶初御府罹火院庫無恙舉朝嘆美 帝用心云 皇太弟立是為 靈元天皇

親王薨子穗仁親王嗣 法皇 新院兩宮成○八月常陸下總下野盜賊蜂起所在劫掠○九月法皇 新院徙還各官幕府修東山蓮華王院命桑山修理亮等監工 龜山帝於得長壽院趾建南北七十間東西十二間之堂內安立像觀音千數名蓮華王院世稱三十三間堂今蓮華王院是也今世或以為 鳥羽帝所創三十三間堂者誤矣蓋得長壽院三十三間堂燬于寶治中○十月大隅地大震海溢大將軍使松平民部少輔板倉筑後守入議讓位事明年使上野介吉良義英賀內禪○十一月 宮成

○三年正月左大臣定好羅十二日以右大臣房輔代之二十二日皇弟識仁親王為 儲君迎入新宮二十六日 帝在近衛氏第讓位於 儲君以關白光平為攝政在位八年改元者三曰明曆萬治寬文 帝善書嘗誦宸翰於大勝曰天滿宮納北野廟揭其南門嘗命悉騰御府典籍及去位置之于新院時或以為院之闕物至延寶初御府罹火院庫無恙舉朝嘆美 帝用心云 皇太弟立是為 靈元天皇

明倫彙編 家範典 卷三

001890-001-9

210.5-Y587z

十三朝紀聞

安田 照矩/編

M4-9

ACB-4802

